

Yan PALAY

# LOU CURÈ DÉ CÉROU

È CASAÛSUS

COUNTÉ COUROUNNAD AÛ COUNCOURS DE FÉLIBRIDYÉ  
DE TARBES. — AOUT 1890

Qui créd Guilha Guilhot soubèn Guilhot qu'ou Guilhe  
(Arrépoué)

I

Qu'ère u cop, — qu'ey ataü qui coumence-u counté, —  
A Cérou, près dou Biar, u brabé capèrà  
Qui, margré qué débot aymaüe à badinâ.  
Més, aü sou tour tabé, que troubaüe soun counté,  
U paysâ, drin rétors, apèrad Casaüsus,  
Aü méstié dé falça qué l'aüé lou déssus  
Pér soun esprit puntud è sa riposte prounté.  
Per bèt sé, lou paysâ, qu'énbita lou réyén  
A-s biéné partadya, dap èt, ue bècade  
Qué la-s boulé minya, pér or ni per aryén,  
Nouste homi, dè ségu, nou l'aüre pas balhade ;  
L'énbit qu'esté d'abort counégut dou curé. —  
D'équet témps, lous curés, qu'aymaüe-n la ribote  
E, mercés à la fé dé mant-ue débote  
Lous hidyés, lous capous, dé noubémbéré à héürè  
Quéü hasè-n d'u gran pam éslaryi la culote.  
Per daüan Casaüsus aü moumén dou répas,  
Lou capèrà qué passe én rélénti lous pas ;  
E, per cas, lou paysâ qué parèch sus la porte :  
— Qué hès dounc, Casaüsus ? Bèts dies-a nou-t bey pas.  
— Moussu, qué-m soy hèyt sayé. — Aquère qu'ey drin horte  
— Hèts-pè dounc en daüan, qué tringara-m u cop.  
» U beyré de bou bì n'ey pas jamés dè trop.



» Qu'èy ue barrique aü chay qui n'ey pas abroucade,  
» Bengats, qu'én tirara-m ue pétite chucade. »  
— En éntra, lou curé, qué béyou la bécade  
Qui hasè sous landrès u pétit biroulèt.  
Cargads, l'u du pichè, l'aüté d'u yambélèt  
Qu'anaüe-n abrouca la més biélhe barrique.  
Lou praübé Casaüsus, n'aüè pas pensad brique  
Aüan dé hourada, dè-s ha lou calamèt !  
— Hique lou did sou traüc, qué baü tourna dé tire,  
Sé digou lou curé, qu'ey lèü heyt u brouquét. »  
En ha lou caüyilhot : « *C'est Satan qui m'inspire.* »  
Qué-s dit lou capérâ, « n'ey pas arrés aütour,  
» Péndart de Casaüsus, qu'èt baü youga-t u tour. »  
Què sét prén la bécade, è, shèns cor ni tambour,  
Que-s saübe aü gran galop décap au prébitèri.  
Casaüsus qué-s disè : « Diablé lou yupiteri !  
» Aquét tros dé brouquét bèy pla lonng à trouba.  
» La bécade éntértan qué sé-m ba lhèü brusla ;  
» Toutu, sé nou bié pas, bè caü plà qué l'apèri.  
» Qué hèts, moussu curé ? Qu'èy sourd, aü Diü-bibant !  
» E pourtad lou brouquét, ou pè-n hèts fabricant ?  
» — Nou sé-minyaré pas tout soulèt la bécade ? —  
En u moumén qu'aüsi lou brut d'ue escloupade  
— Etlh bous, moussu réyèn ? » — Qu'ère la Yanétou  
Qui bénguè dé cerca dé qué ha las crespères  
— Qu'ès tu, hoü ! sabi, dounc, courri bisté enta you,  
» Qu'as heyt arrémouliayre, ou n lou périclès ères ?  
» Arribe tout dé tire, è porte u tros dè hus,  
Qué soy plantad aci désénpux l'Anyélus !  
En arriba déguén, ni curé, né bécade.  
— Qu'ey partid, lou caddèt, qué la sé-n a pourtade !  
Més, qué la-m pagara més care qu'aü marcad ;  
E, tout haüt, qué yura dou tourna la gnacade.

II

Aü cap dé caüqué témps, pér ue néyt d'hiuüèr  
U pam é miey dé néü qu'amantaüe la terre,  
E qué hasèüe escu coum aü houns dé l'ïher.  
Casaüsus qu'apéra lou sou baylét Yan-Pierre  
Qu'èü dit : « Bé-nt'aü curé, qué soy hère malaü,  
» Prègue-ü me d'arriba, qué-m séntéxi mourtaü.  
— Mésté, qué sounéyad, ou qué boulèt arrisé ?  
— Quand t'aüéyara drin, ana-y toutu qué caü,  
» Nou poux pas més parla, t'a-t tourné-s pas ha disé.  
Qué parti. Pou cami, qué técouaüe à tout pas,  
Et lou giüéré én siüla-n qué-ü hènè la figure ;  
En pétits candélous qué-ü sé pénè lou glas  
Aütour dou capiroit dé sa cape dé bure  
E, dé réd, lou barrot qu'ou cayé dé las mas.  
Lous camis d'aquét témps n'ère-n qué carratéres,  
Ent' ana chèü curé qué callè traüessa



Lannes, camps, prads è bos, bruchoutas, castanhères,  
Arriüs shénsé nad pont, saüta, barats, ayguères,  
Qu'ère u cami dé crouts, é qu'èü callé passa :  
Yan-Pierre susmétud coum u Sancho-Pança,  
Qué s'aüuré dad lou fouét unta plâsé soun mèsté ;  
Dé dies ou dé neyt ét quère toustém prèsté.  
Aütour dé mieye néyt qu'ey én ço dou curé ;  
Dap lou cap dou barrot ét qué tuste à la porte,  
Més arrés nou l'éntén ; dap sa bouts la més horte  
Qu'apère ; lou pout soul qué respoun aü pourè ;  
U quart d'hore dé témps qué grayla dé la sorte.  
A la fi, Marioutou qu'aübri lou countrebén.  
— E y-ey moussu curé, sé demanda Yan Pierre...  
— Qué s'ey métud aü lhéyt despux u gran moumén,  
» Qué boulet ? — Casaüsus qu'ou hasé préga hère  
» Dé béngué, si-s poudè, qu'ey prèsque agounisé.  
— Qu'ey Casaüsus ! sé dit, tout-én saüta-n à terre,  
Lou curé tout gaüyous quou basousse apéra,  
» A la fi, lou praübas, qué-s boü réconcilia :  
» Oun ès ? sabi dap you dinque la sacréstie,  
» Qué risque hort qu'ou ba callé-u éstrémouncia,  
» E, sé presse, balha-ü la Sènte-Ucaréstie.  
— Nou pat podi pas disé ; ana-ü bésé qué caü.  
Qu'anè-n préné lou sac don bagadyé mourtaü,  
E qué parti-n touts dus, dap u tros dé lanterne.  
— Qué hè pla maü marcha, la néü qué m'énlusèrne,  
Sé disé lou curé, qué hara-m shénsé luts.  
Aü ségu qu'aüuré dad, shéns régrèt, dus éscuts  
Dé poudé rénbia drin aquet pèlerinadyé,  
E, dé més, la maysou qu'ère aü cap dou biladyé.  
Pourtan, à fort dé témps, lou curé qu'arriba ;  
Qué s'apresse dou lhyét shénsé-s das ue escaühade :  
— Quin ba dounc Casaüsus, qué m'as heyt démanda ?  
» Qué t'ès goute-hérid dap aquèste néüade,  
» Qu'as pou d'esta malaü, è qu'ét bos couhessa ?  
— Moussu, n'ey pas aco, lhèü, ço qui més é presse,  
» Qué-p baü disé-p perqué p'ey heyt biéné ént'aci  
» Despux cinq ou chéys néyts, né podi pas droumi,  
» E, qué-m soy soubiénué quand èrey à la messe,  
» Dap lous bostés sarmous, qué-m hasèt assupi ;  
» Si m'én hasèt, aneyt, u dé la même espèce,  
» Lhèü, qué clucari l'ouélh, aümén, dinque aü mati.....  
Lou Curé qué qué pensa détire à la bécade,  
E qué-s saüba, capot, à traüès la tourrade.





# Aubade



Miguette, pou gran cèü qué puye lou sourèlh  
La flourette, pou prad, qu'aùbrèx soun pétit ouèlh  
L'aüset, pous bruxous, qué-s désbélhe.  
Tu tabè, qué-t caü désbeilha  
L'aüsette qué-t bèng chamalha  
Sous tirelires, à l'aureilhe.



Désbélhe-t, lou béroy printemps, ouéy, qu'èy tournad.  
Pou bos qui bérdèx, tout, qu'èy éscarrabèlhàd,  
E tout, miguette, qu'èy én yoye,  
Say, qu'èy lou die dous poutous,  
Abrü qu'èy enta-us amoureux.  
Aném, qué-t caü lhéüa, béroye.



Sabi, qué courréra-m, tous dus, pous louns séndès  
Qué-tcantarèy, tout d ous, d'équèts réfris leüyès,  
Tous heyts dè caüses amistouses,  
Qué bouy canta tant, è ta plâ,  
Qué, si-m podè-n brique éscouta,  
La flous qué-n bo-n ésta yélouses.



Miguette, pou gran cèü què puye lou sourèlh,  
Lou pastou, pou cami, qu'amie soun parèlh  
Tout en fiüla cansou gaüyouse ;  
Lou printemps de flous habllhad  
Qua-t rénd tout escarabèlhàd  
Ané-m, sabi, bère amistouse.

SIMIN PALAY, *hilh.*

